

魚山剩稿

三

20

21

22

23

24

魚山剩稿目錄

卷三

罪繇

金吾初讞

初讞供詞

金吾再讞

再讞供詞

刑曹初讞

刑曹再讞

刑曹三謝

魚山剩稿卷三

嘉魚 熊開元 述

門人 吳克孝 編

罪繇

金吾初讞

錦衣衛掌衛事左軍都督府都督同知臣駱養性
題爲補本事原任行人司司副熊開元奏前事奉
聖旨熊開元讒譖輔弼欺藐朕躬昨面奏轉換支吾
狡託機密至輔臣再三力請准令補本却又簡略消

沮陰險莫測其引朱子之語朕荅朱子所言自是正理今乃牽爲褒彼之諭面奏督撫皆用監司不用京堂等語疏內何無言及此等僉壬應加重懲著革了職錦衣衛拏去究問具奏該衙門知道欽此臣遵

明旨究問得熊開元供年四十四歲係湖廣武昌府嘉魚縣人繇乙丑科進士初選崇明縣知縣歷任二年戊辰年調吳江縣知縣辛未年赴京考選授吏科給事中後因本縣拖欠錢糧奉 旨處分降二級調外任用開元隨請假回籍崇禎十三年起山西按察

司焰磨十四年陞光祿寺監事十五年八月內陞行人司司副因見 皇上廣開言路雖雜流廢弁皆可陳言是開元不避出位妄言隨具職名請 皇上面奏蒙 皇上召入德政殿凡 面奏之事備載本中臣問說你行人司一小臣何得讒譖輔弼據開元供稱讒譖二字必有嫌怨或有希求開元當請 皇上敕輔臣 面奏何所私若是讒譖敢於面 君臣間說欺藐 皇上要你從實供來開元又供因 皇上夙興夜寐無人分憂其實臣子死生在 皇上呼吸

間何敢欺藐然奏對時不覺出言過戇這就該死甘
罪無辭臣又問說 君父之前奏對自當明爽確實
何出言轉換支吾開元又供當 皇上前所奏始終
是責備輔臣一事並不曾改口 皇上中間有所詰
問不敢不隨 問隨對怎敢轉換一字臣又向熊開
元問說就有軍國大事自當公言你如何託言機密
定有詭詐別情要你招來據開元供稱愚見謂書經
易經所云不必盡是軍情但有關於 君德國體人
才皆當以威福歸之 皇上故請密奏開元本上原

說得明白併無別情臣又向熊開元問說 聖諭荅
朱子所言自是正理你如何引爲褒你之論要你招
來據供 皇上初諭開元有朱子所言自是正理及
開元立在外邊 皇上復諭閣臣開元一時記不清
就誤述了是開元當死若記得果真此係進呈 御
覽本章不比外邊傳說開元豈敢以無爲有臣又問
說你旣面奏督撫皆用監司不用京堂本內如何不
載要你招來據供這兩句原是 皇上問及督撫初
推人以爲賢數月之後便以爲不賢必欲去之而後

快邊方與腹裏不同人如何展布是開元面奏這也有箇緣故吏部會推之先各官不知姓名會推之日九卿科道掌印官既集吏部始將其人出之袖中各官唯唯而已既推之後尚有六科十三道轉相采訪又數月之後其人伎倆已見故人初以爲賢後以爲不賢也原是開元所對如此祇以隨問隨對非開元所特奏者昨補本忙迫未及錄此一段實開元之罪別無私意臣復加刑問說你請 皇上退輔臣託言機密併上疏必有主意決非汎然無謂要你實實招

來開元供稱原有主意供出恐未肯上 聞卽供何
益臣問說本衛只知有 朝廷三尺之法素無情面
有何所畏而使下情不能達爲不忠之臣也開元隨
供稱夫如是 朝廷得人矣當盡供之無隱求退輔
臣之意原謂說輔臣之過當輔臣之面恐 皇上不
便裁酌施行具疏之意原見首輔蒙 皇上師保鴻
恩殊非賢者以致天下擾亂望 皇上舍之別簡賢
者居之當今 國家原無大賢使小賢居位勉勵自
然大賢何虞天下之不治哉臣復問說旣知首輔不

賢何不明以告 君父奈何轉換支吾語詞不爽又
波及次輔豈次輔盡不賢耶開元供稱首輔之不賢
不獨開元一人知之如開元一人言之便私所以請
皇上徧召廷臣而察之察其不賢而舍之若次輔其
中自有可勉爲賢何敢言盡不賢也臣復問說勉爲
賢者爲誰開元供稱若言之是有私於賢而攻首輔
也臣復問云 皇上如駁此本要你供賢者爲誰難
道你也不供復加刑研訊開元供云上言大臣德政
律有明條卽刑死終不敢出諸口也必待 皇上徧

名廷臣之時所言公公言之矣斷不於箠楚之下而
云賢也首輔誠不賢然首輔所引用之人多係賢者
但恐 皇上併舍之開元之罪滋大矣此等下情萬
望 上達等情臣再三究問執供前詞臣謹遵 旨
將究問過所供情詞據實上 聞伏候 聖明裁奪
敕部究擬

崇禎十五年閏十一月二十六日具題二十九日
奉

聖旨熊開元情罪前旨甚明讒譖輔弼必使朕孤立

於上乃便彼行私於下此必有主使之入其狡託陰險正係欺藐之實且朝廷以綱紀爲重以小加大以賤陵貴漸胡可長駱養性如何通無刑究任其謗毀狡肆復不駁訊殊屬溺職姑且不究著卽嚴刑另問速奏不得再縱取罪

此大金吾二十四日讞詞也以開元所供語涉冗不敢詳述故節取之而所對簡略消沮及督撫皆用監司一段尤太略於愚意不無少晦矣

初獻供詞

大金吾問履歷畢復問云行人司不是言路如何出
位妄言開元云 皇上廣開言路雖雜流廢弁皆得
見 至尊何況開元受恩深重問云此輩可以妄言
你如何也妄言開元云妄言不可忠言何不可問云
方今□□入犯當有甚麼計策如何讒譖輔弼開元
云讒譖者必有嫌怨或有希求開元當請 皇上敕
輔臣面奏臣何所私若是讒譖豈敢如此問云你如
何又欺藐 皇上開元云此是開元死罪因見 皇

上夙興夜寐無一人分憂胸中憤不過奏對時不覺
出言太戇其實臣子死生在 皇上呼吸間何敢欺
藐自取誅戮問云你如何又轉換支吾開元云開元
所奏始終是責備輔臣一事並不會改口只 皇上
中間有所詰問不敢不隨問隨對亦未嘗有一言與
責備輔臣相反轉換支吾是何等事開元敢犯問云
這等就該明言如何假託機密開元云愚見謂書經
易經所云不必盡是軍情但有關 君德國體人才
皆當以威福歸之 皇上故請密奏開元本上原說

得明白豈敢假託問云輔臣再三申請令你補本何
又簡略消沮開元云輔臣請於 皇上開元聽不清
止聽得 天語云著他補本來開元就遵例補本除
欲言未盡者不敢贅陳其所已言雖極慙直未嘗簡
略一字所簡略不過隨問隨對不甚慙直者但以先
後失真不敢妄述 聖明在上開元何所疑畏而消
沮乎問云 皇上說朱子所言自是正理你如何引
爲褒你之諭開元云 皇上諭開元原有朱子所言
云云及開元立在外邊 皇上諭輔臣又有熊開元